

Camp Kiattuani allilerinissamut suliniummumut qinnuteqaat



Uunga:
KOMMUNEQARFIK SERMERSOOQ
Sanarfinermut Avatangiisinullu Ingerlatsivik /
Anlægs- & Miljøforvaltningllloqarfimmik Inerisaaneq
By - & Boligudvikling
Pilersaarusiork / Planafdeling
Postboks 1005
3900 Nuuk

Inatsisartut Inatsisaat nr. 34 decemberip 9-aneersaq §
45 aallaavigalugu nunaminertamik inniminniineq

Qinnuteqartoq:
Arctic Nomad Aps
Attaveqaat:
Anika Krogh - Pisortaaneq
E-mail: Anika@arctic-nomad.com
Telefon: 529512



SULINIUTIP ALLAASERINEQARNERA

AUkiuni sisamani kingullerni Arctic Nomad Aps-ip Camp Kiattua pilersillugulu ingerlappaa.

Camp Kiattua Kalaallit Nunaanni takornariaqarnikkut allanit allaanerusumik niueruteqarpoq, nunarsuatsinni pigissaarnerusut ukkataralugit siunnerfigineqarmata. Kiffartuussatta avatangiisitsinni inuulluarniutigalugu pitsaasumik misigisaqarnissartik ujartugaraat, tassani sumiiffimmi inuiaqatigiinni najuuffugusaanni avatangiisinut mianerinninneq aammalu kulturikkut paasinninneruneq pitsaasumik sunniuttarluni. Tamakku tamarmik eqqissisimaarnartumik ikinngutiginninnerpalaartumillu avatangiiseqarluni ingerlanneqarput.

Camp Kiattua tupeqarfiuvoq Amitsuarsummi Nuummit 90 km-erut ungasissutilimmi inissisimasooq, taamaakkaluartoq tikeraartuvut pitsaalluarniutigalugu siniffissaqartinneqarput, immikkut perusuersarfissaqarput, silami kialaartumik uffarfissaqarput, pitsaasunik nerisassaqartinneqarput, saunarfigineqartinneqarput il.il. Amerlanerpaamik inuit qulit kiffartuussinnaavagut tupernut tallimanut agguataarneqarsimasut, taakkulu saniatigut sulisut 6-10 atorfeqartitalugit. Angalaqatigiit tamarmik immikkut angallassisoqartinneqartarput, kalaallit nunaata avatangiisaani nalissaqanngitsumik misigisassarsiortinneqartarlutik.

Camp Kiattua junip qiteqqunneranit septemberip qiteqqunneranut ammasarpoq, ammasarnerali qaammatinik 3-5-nik sivitsorneqarnissaa kissaatiginarpoq. Ammasarnerup sivitsorneratigut ataavartumik sulisoqalersinnaanerput malunnaatilimmik annertuseriassaaq, tamannalu inuiaqatigiinnut pitsaasumik kinguneqassaaq, tassani ukiuunerani isertitassatigut periarfissat ajornakusoorsinnaasut pitsanngoriartinneqarsinnaallutik.

Sammissassatut neqeroorutigineqartut “transformationel travel”-tut eqiterunneqarsimapput, tassani siunertarineqartarpoq nunarsuarput avatangiisiilu pillugit ilikkagaqarnissaaq, ineriartornissaaq pimoorussinissarluni. Kiffartuussatta najugaqarnerminni inuttut killissatik misilarnissaat, Kalaallit Nunaanniillu aallarnissaat inuiaqatigiit oqaluttuarisaanerat annertooq immikkuullarissaaq kulturewepullu ilisimasaqarfiginerulernissaat, aammalu inuit pinngortitallu ataqatigiinnerisa pitsaanerusumik paasisaqarfiginerulernissaat anguniagaavoq.



Kiffartuussanut immikkuullarissunut
nunarsuarmioqatigiinni atorluaaneq
aallaaavigalugu unnuinissamut
periarfissat
ujartorneqaraluttuinnartut
naammassiniarnissaat
anguniagaraarput. Piumasaqaataasut
arlalippassuartigut angunissaat
qanittuaraavarput, nunatsinnilu
pissutsit eqqarsaatigalugit Kiattuani
atortulersuutit qaffasissumik
pitsaassuseqarput.
Nunarsuarmioqatigiinni pitsaassutsit
angussagutsigit
pitsanngorsaaqqinnissaq
pisariaqartinneqarpoq, tamannalu
uagut kiffartuussattalu
ujartugaraarput.

Nunarsuarmioqatigiinni
unammillernitsinni kalaallit
kulturiat immikkuullarissaq
tuniniaanitsinni atorluartarparput,
taamaattumillu qangaanerusoq
ilusilersuinerit sanariaatsillu
isumassarsiorfigalugit ujartuinissaq
kissaatigaarput. Illu pingaarneq
issunik sanaajussaaq, ileqqumisut
isikkoqaannarani, aammali issoq
oqorsaatigalugulu illup silataani
qalliutitut atorneqassaaq. Tassani
inunnut 16-nut
neriniartarfeqarlunilu
isersimaartarfeqassaaq,
siammasissumik
takunniffissalimmik
igalaarsuaqassaaq, taamaalilluni
kiffartuussatta isikkivigissumik
neriffissaqassapput. Maanna
tupiutigut finlandimiut tipi-
teltiliaat arfinilinnik aasaanerani
kalaallit tuperisartagaattut
siaanganerusunik isikkulinnik
immikkut sanatitanik
taarserneqassapput. Taakku
silataanni aneerasaartarfeqassaaq,
tassanngaanniillu avatangiiserput
kusanartorsuaq eqqissilluni
aliannaarsaarfigineqarsinnaassaaq.
Taakku saniatigut
inuulluataarfissamik issumik
sanaajusumik illuaraqassaaq,
tassani saunartarfeqassaaq, aroma
atorlugit peqqissartinnerit
tagiartuisarfillu inissaqassapput.




Kalaallit kulturitoqaat nutaaliaasumillu
isikkulinnik illulioriaatsip ataatsimoortinnerat
nunarsuarmioqatigiinnit
soqutigineqarluassasoq, Nuummut,
aammalu Kangiata illorsuanut
Ilulissaniittumut
ukkatarinninnerulersitsissasut
naatsorsuutigaaarput. Maanna illussanik
titartaasarfimmi BIG-imí piginneqataasoq
David Zahle oqaloqatigisarpaput,
suliniummullu takorluukkatsinnut
alutorsarluni nuannarinnittorujussuuvoq,
suliniummullu tunngatillugu
sanaartornissamut akuerineqassagutta
sanaartugassanik titartaanissamut
peqataarusulluni.



ETAPE-PLAN

Pilersitsinissaq sanaartornissalu
tulleriissaarinikkut ingerlanneqarnissaa
pilersaarutigaarput, ataanilu piffissalersuutit
takuneqarsinnaapput:



Sanaartornissat aasanut marlunnut avinnerisigut sanaartornermi "tukak"
pinngitsoortinniassavarput kiffartuussatsinnut pitsaasussaq anguniarlugu. Qulaani
piffissalersuutit eqquutsinneqarsinnaassanngippara maanna toqqit atukavut
sukkasuumik ikkussuunneqarsinnaapput, taannalu pilersaarut B-tut atorneqassaaq.

SULINIUMMIK INGERLATSISUT PIGINNAASAAT



Camp Kiattua 2017-mi pilersinneqarpoq Arctic Nomad Aps-imullu ilaalluni, 100%-mik kalaallinit piginneqatigiiffiuvoq Nuummilu angerlarsimaffeqarluni.


Suliffeqarfik ulluinnarni Jon E. Kroghimit Kisten Anika Kroghimiillu ingerlanneqarpoq, nunarsuarmioqatigiinnilu aningaasaliisartut ilaannit Jan Castromit malitseqalernikuuvoq Arctic Nomad Aps-ip ilaannik piginneqatigiinnissutininik pisinikuulluni.

Anika Krogh ukiuni 15-nit sivilisunerusumik takornariaqartitsinikkut misilittagaqarpoq, ukialunni Air Greenlandimi tuniniaanermi pisortatut, aammalu Air Icelandimi Kalaallit Nunaanni Country Manageritut atorfeqarnikuulluni. Ukiuni qulikkaarani ataatsimit sivilisunerusumik Kalaallit Nunaanni takornariaqarnikkut ukkatarinnilluni ingerlareerluni Kalaallit Nunaanni tamarmi takornarissanik sullissisunik amerlanerpaanik Anika annertuumik attaveqaateqalernikuuvoq. Ukiuni kingullerni tallimani Anika Camp Kiattuanik ingerlatsivoq, isumassarsiap pinngorneranik nunarsuarmioqatigiinnit ataqqisaasumik takornariarfissatut inissinneranik kinguneqartumik.

Jon Krogh ukiorpassuarni kalaallit nunaanni takornariaqarnikkut ingerlatsinermini misilittagaqarluarpoq, atorfeqarnermigut, aammali nammineerluni suliffeqarfiuteqarnermigut. Siornatigut Danmarkimi namminersorluni suliffiteqarnikuuvoq, aammalu nunarsuatsinni Afrikami Asiamilu najugaqarnermigut suliffeqarfinillu ingerlatsinermigut misilittagaqarluarluni. Jon Anika peqatigalugu Camp Kiattua pilersillugulu ingerlappaat annertuumik iluatsilluartumik.

Jan Castro ilaatigut Pala Investments AG-mi pisortaanertut ingerlanikuuvoq, taannalu tassaavoq suliffeqarfik aningaasalersuineramik ingerlatsisoq, tassanilu aatsitassarsiorfiit ukkatarinerullugit aningaasaliisuussarluni. Palap pilersinnginnerani Jan Mechel OAO-mi aningaasalersuineramik suliffeqarfinillu ukkataqarluni senior vicepræsidentitut ingerlavoq, suliffeqarfik NYSE-mi niuerfissuarmi allattorsimasoq, aammalu Ruslandimi aatsitassarsiornermik-saviminiliorfiillu annersaanni niuerfissuarmi New York Stock Exchangemi allattorsimasumi senior vicepræsidentitut ingerlavoq. August 2021-mi Jon Arctic Nomad Aps-imi aningaasalersuisuullunilu piginneqataalerpoq.

Arctic Nomad Ineriartornermut Aningaasaateqarfimmik takornariaqarnikkut suliniutit pillugit qanimut oqaloqateqarput, aallarniutitullu neriorsuutigineqarpoq Camp Kiattuan aammalu Qeqertarsuup Tunuani takornariaqarnermi suliniutinut pitsannngusaanissamut suleqataaniarluni oqaaseqaatearpoq.



Inissisimaffia


Sumiiffik: 64°29'41.6"N 50°35'27.4"W

SANAARTUKKAT ATORTULERSUUTILLU:




Illu pingaarneq:
Illu pingaarneq Kiattuani
kiffartuussatta
ataatsimoortarfigissavaat,
tassaassallunilu silap
ajorneratigut silami
sammissassaqsinnaanngi
nnermi
ataatsimoortarfiusussaq.

Atortut nunap tunniussinnaasai
atorneisigut siunertaavoq illu
nunamut ilassuutissasoq. Titartakka
qulaaniittoq ataaniittorlu
siullermeersumik titartagaapput,
illussanillu titartaasartumit David
Zhele BIG-imeersumit
siunnersuummik tigusaqariarutta
allanngoratarsinnaanerit
naatsorsuutigineqarsinnaavoq.



Tunngaviusumik titartakka – titartakka siulliit
NB! illussanik titartaasartumit David Zhele BIG-imeersumit siunnersuummik
tigusaqariarutta allanngoratarsinnaanerit naatsorsuutigineqarsinnaavoq.



Illu pingaarneq isikkulerneqarsimavoq 1937-mi Ph. Rosendahlimit titartarneqarsimasooq isumassarsiorfigalugu.

Illumi pingaarnermi makkuninnga peqassaaq:

- Neriniartarfik, kiffartuussanut 24-nut taakkualu kiffartuussisunut 10-nut inissalik
- Ataatsimoortarfik ikumaartitsivittalik
- Kiffartuussanut perususersartarfiit
- Igaffik ammaannartoq, kiffartuussat nerisassiornermi malinnaasinnaaqqullugit, piumasoqarpallu nerisassioqataaffiusinnaasoq
- Nerisassanut pequusivik, nillartaartitsivinnut qerititsivinnullu inissalik
- Igaffiup silarlia tutunuk assigisaannillu uulliffiusinnaasoq

Illup pingaarnerup sanaartornera immikkoortunut marlunnut avinneqarpoq. Immikkoortumi siullermi inunnut 12-nut kiffartuussisunullu 6-nut inissaqassaaq, immikkoortut aappaannilu allilerinermi kiffartuussanut 24-nut kiffartuussisunullu 10-nut inissaqartitsisoqassaaq. Immikkoortup aappaa aatsaat 2025-p kingorna sananeqarnissaa naatsorsuutigineqarpoq.


Issumik alluliaq qaamaneqartinniarlugu kangerluup tungaanut igalaarsuarnik pilersorneqassaaq. Piffissaq illumik titartaaffiusooq ataqqiniarlugu illup pingaarnerup toqqillu pisatai 1939-1950-ikkunni pisataasut aallaavigalugit pisatsersorneqassaaq.

Atortussiat sapinngisamik nunap tunniussinnaasaaneersuussapput, soorlu qisuit, ujaqqat, igalaaq issorlu. likkat isugutammit illersorniarlugit qalissiamik akunnilersorneqassapput. Issut Islandimit tikisinneqarnissaat naatsorsuutigineqarpoq, tassani nioqputigineqarmata, taamaalillutalu nunarput avatangiiserpullu mianerissavagut.

Illu pingaarneq pinguttammut inissinneqassaaq, taamaalillunilu illu nunap sananeqaataa malillugu sananeqassalluni sapinngisamik nunamut ilassuuttussanngorlugu.


TOQQIT UNNUIFFISSAT

Ullumikkumut finskit toqqi tipi-t atorneqarput, taamaattorli kulturikkut kingornussavut illulioriaatsinut tunngasut aallaavigiumallugit, kulturitsinnullu tunngasut tunngavigiumallugit nammineq tupiliassatsinnik isikkulersuinissaq kissaatigaarput, tassanilu kalaallit aasaanerani tuperisartagaat isumassarsiorfigineqassallutik.





Tunngaviusumik titartagaq.
 Uffarfik anartarfillu
 ataavartumik
 sanaartugaassapput, sinneralu
 issunik sanaartugaassapput
 qisummik nateqarluni.
 NB! illussanik titartaasartumit
 David Zhele BIG-imeersumit
 siunnersuummik
 tigusaqariarutta
 allanngoratarsinnaanerat
 naatsorsuutigineqarsinnaavoq.



Toqqit atornagit illuaqqanik ulamertunik nalinginnaasunilluunnit peqartoqarsinnaanera eqqarsaatigineqarsinnaagaluartoq periusissatut aalajangersimasarput malillugu ingerlaannassaasut, kiffartuussavut nunamut ilaasutut misiginissaa pingaartikkatsigu, tassani anorip nitaa, nilleq sialullu ersarissumik tusaaneqarsinnaanissaat pingaartikkatsigu. Tamanna pillugu isummanik naaperiaarusunngilagut, taamaattumillu toqqit nunap pissarititaanik sanaajusut atornissaat aalajangiusimavarput.

Immikkoortumi siullermi toqqit arfinillit napparneqarnissaat pilersaarutigaarput, taakku nateqassapput, aneerasaartarfeqarlutillu inuilaarsuarmi uffartarfeqassapput. Pitsaassuseq qaffasissuq piumallugu toqqinut ilassutitut ataavartumik perususersartarfeqarnissaa kissaatiginarpoq. Sananeqaataa silataanit tupertut isikkoqarpoq, iseraannili malugineqarsinnaassaaq perususersartarfimmut uffarfimmullu aalajangersimasumik sanaartorneqarsimasuq. Ullumikkut toqqini unnuiffiusartuni tamani perususersartarfeqarpoq/uffartarfeqarpoq, miiterinik tallimanik imminnut ungasissuseqartunik, toqqilli marluk ataatsimut ataqatigiisilernerisigut kiffartuussatta ingerlavissaat annikinnerpaaffilerniarneqarpoq. Sanaartukkat ataavartut illu pingaarnertulli atortussianit nunap tunniussinnaasaanit aallaaveqassapput, qisunnillu qalluiteqassallutik.

Illu pingaarnertullu toqqit silataannit isigalugit nunamut ilassuuttussanngorlugit sananeqarnissaat kissaatigaarput, taamaalilluni isikkuminarnerunissaat anginiarneqarluni. Toqqit ilui eqqarsaatigalugit nutaaliaassapput angisuunik isikkivigissunik igalaarsuaqassallutik.

Inuilaarsuarmi misigisaqarnissaaq annerutikkumallugu toqqit imminnut ungasillillugit inissinneqassapput, taamaalillutik isikkivik eqqarsaatigalugu imminnut akornusersuunnissaaq minnerpaaffianiitikkumallugu.

Sanaartukkat ukiuunerani siniffinnik assigisaannillu pequusivittut atorneqassapputtaaq.

Toqqit makkunanga atortorissaaruteqassapput:

- Siniffik marluuttariaq
- Ilersimaarfiusinnaasoq
- Perususersartarfik immikkoortiteriviutigisooq, quut annallu imeq innaallagiarluunnit atornagu immikkut katersuuffeqassallutik
- Uffarfik imermik atuinikitsooq
- Asaffik marrarmit sanaajusoq
- Natermi kiassa
- Inaallagissanut immiinissamut ikkuffiit
- Qulliit LED-usut

Immikkoortup aappaani toqqit arfinilinnik ilaqqissinnaaneri kissaatigaarput, peruserput immikkuullarissuummat naatsorsuutigigatsigu ukiut ingerlaneranni atuerusunneq annertusisimassasoq.



INUULLUATAARFIK SAUNARTARFILLU

Toqqit najugaqarfissat assigalugit kissaatigaarput tupeq inuulluataarfissatut saunarfissatullu aalajangersimasumik sanaartukkatut inissisimasog, igalaarsuaqartorlu sananeqassasog, taamaalilluni najugaqarnermi inuulluataajutigaluni avatangiisit kusanartut qimerloorneqarsinnaaqqullugit.


Sumiiffimmi tassani saunartoqarsinnaavoq aromat atorlugit peqqissartinneq tagiartortinnerluunnit periarfissaassapput.



SULISUNUT TOQQIT

Sulisorisatta ullumikkut toqqit atukkavut aallaavittut atugarissavaat, tupermilu ataatsimi inuit marluk unnuisinnaapput. Taakku saniatigut sulisunut 6-9-nut perusuersartarfiit uffartarfiillu pisariaqartinneqassapput.

Sulisunut toqqit kiffartuussatsinnut toqqit assigalugit qullernut, immiinissamut innaallagiaqassapput qisummillu sanaamik nateqassallutik.





ATORTULERSUUTIT

- Camp Kiattuani **nukissiutit** ataavartut atorneqarnerunissaat anguniagaavoq, seqernup qinngorneranit innaallagissiorneq kiammillu pilersuineq atorneqassallutik. Seqernup qinngorneranik katersuiviit qanoq annertutigisut atorneqassanersut suli ilisimaneqanngilaq, sumiiffimmi toqqarneqartumi nalunaaquttap akunneri qassit seqineqartarneris suli misissorneqarmat. Tamanna juni-augustimi 2022 ingerlanneqarluni naammassineqassaaq. Seqernup qinngorneranik katersuiveqarnermut atatillugu batteriit immorneqartussanik peqassaaq, saniatigullu ajornartoornermi innaallagissiorfeqarnissaq pisariaqassalluni.
- Suliniutip pilersinniarneqarnerani kingornalu ingerlanneqarneranut atatillugu **ATV-nut aqqusinissaq** pisariaqartinneqassaaq. Motorilinnik angallateqartigani sanaartornissap naammassineqarsinnaanera ajornakusuussaaq. Ullumikkut pisattat, nerisassat, kingoraartissamaatit, orsussat innaallagissiuillu inuup nukingi atorlugit majuuksorneqartarput, tamannalu piffissamik annertuumik tigusiinnarani sulisunut nukkiortitsingaatsiartarpoq. ATV-nik aqqut ersarissaq aqqummik ingerlaviisartumik ersarissisitsissaaq, taamaalluni aqqutit assigiinngitsut ullumikkut atorneqartut mianerinerullugit aalajangersimasumik aqquteqalernikkut nuna mianerineqarnerulissaaq – tamannalu pingaartumik sanaartornermi ajornartorsiutaalluni malunnaateqassaaq.
- Nunamut tikinneq tsumannaannerulersikkumallugu **talittarfeeqqamik puttasumik** pilersitsisoqarnissaa pisariaqarpoq.
- Camp mikigaluarluni imminnullu qanikkaluarluni atortunik annertuumik pisariqartitsivoq. Camp nunamut ilassuuttunngussagutsigu **containerinik** peqitertakkanik arfinilinnik atortunut pequusivissatut atorneqartussanik pisariaqartitsisussaassaagut. Taamaalluta isikkivimmut akornutaanngitsumik asuli maaniinnaq inissisimasooqassanngilaq. Atortut pineqartut tassaapput qajarissat, puttasut ipilluni ingerlataasinnaasut (paddleboards), aqqartartut atortui, innaallagissiuutit, sakkut, nerisassat, eqqiaanermi atortut, siniffiup qalii il.il. Containerit taakku ukiuunerani toqqorsivittut aamma atorneqassapput, toqqit atortullu allat tassaniitinneqassallutik. Containerit qisunnik qalipanneqanngitsunik qallerneqassapput, taamaallutik nunamut ilassuunnerusumik sukulaajusamik qalipaateqassallutik.
- Nuna allanngortikkuminartumik mianernaatilik illersorniarlugu campimi eqqaanilu **pisuffinnik** pilersitsisoqarnissaa kissaatigaarput. Ullumikkut nunap ilusaa malillugu ilisarnaasersukkanik pisuffeqarpugut, ersarinnerusumilli aqqiinnissaq kissaatigalutigu. Aqqiinnissamili nunap ilusaa malillugu aqqiisoqarnissaa pingaaruteqarpoq.
- **Imerk pilersuineq** kuunnit qanittunit marlunnit ingerlanneqassaaq. Taakkunaanngaannit imermut aqqusiat atorlugit 300 aamma 600 meterit atorlugit campimut ingerlanneqartassapput.



ATORTUSSAT ALLAASERINEQARNERI

Avatangiisinut mianerinnilluni campeqarnissaq dna-tsinniippoq, avatangiisinullu pitsaanerpaanik aaqqiissuteqarnissap toqqarneqarnissaa kissaatitsinniippoq, taamaalilluta atortussat pinngortitap tunniussinnaasai annertunerpaamik atorniarsaralutigit. Tassa imaappoq qisuit annertuut, ujaqqat, oqorsaait pissusissamisoortut, issut, igalaamerngit il.il., atortussiallu avatangiisinut pitsaasuusutut meqqillit atorpeqassallutik.

Taakku saniatigut sanaartukkat nunap ilusaanut naleqqussarneqassapput, nunallu ilusaa malillugu inissinneqassapputik, taamaalilluta nunap isikkua allanngortippallaarnagu sanaartortoqassalluni. Taakku saniatigut ningusuunik aaqqiissuteqarnissaq pisariaqarpoq, avatangiisitsinnut aniguisinnaasunik, taassumalu saniatigut sapinngisamik iluarsartuuteqattaagassaanngitsumik aaqqiisoqassalluni.

Ataani atortussiat toqqarsimasavut aallaaviussapput, inernissaviali BIG-ip ilusilersuinissaata naammassinissaa apeqqutaajumaarpoq:

Toqqavik:

Nunami qisuit napasut toqqaviussapput imaluunnit GroundPlugs.

Qalliurtaa saarleq issuussaaq, taamaariarluni qalissialersuinermi qalliutaasartoq, oqorsaait pissusissamisoortut, soorlu naasut, silaterpiaanilu qisummik qalliuserneqassalluni.

Qalia:

Ivikkat qullerpaajussapput, taamaaleriarluni qalianut qalliutaasartoq, qisuk, oqorsaait pissusissamisoortut, soorlu naasut, qaliani qerattaqqutit iluanilu qisummik qallerneqassalluni.

Nateq:

Orpimmit manngertumit Europameersunik natilersorneqassaaq, qisuit noqittuusussat, oqorsaait pissusissamisoortut qisullu. Betonip atorpeqarnissaa kissaatigineqanngilaq.

Igalaat:

Igalaat igalaaminiussapput qisummik sinaakkutillit.

Imeq igitassaq

Perusuersartarfiit immikkoortiterivillit atorpeqassapput, taamaalilluni qut anallu immikkortiterneqassallutik, taamaalilluni mingutsitsisumik avammut eqqaasoqarnissaa pinngitsoortinniarneqassaaq. Taamaalillunilu tipiliortoqassanngilaq. Annat ikuallaavimmi immikkuullarissumi aserorterneqartassapput.

NUKISSIUTIT ATUILLUARTUUNERMI:

Camp Kiattuata ingerlanneqarnerani ingerlatsisuusooq piumassuseqartitsisuusorlu tassaavoq nunarsuarmi nunat kitaaniittut suliffeqarfiisa aqutsisui nutaamik maniguuttumillu nunarsuarmi kusanarluinnartumi imminnut takusinnaanissaannik tunniussinissaq, tamannalu ilungersuutigiuartariaqarpoq. Taamaattumik tulluusimaarutigisarpurput Camp Kiattua kiffartuunnikuusatsinnit angerlamut apuukkaangamik unneriorlutik oqaluttuarternerat, taamaalillutillu angerlarsimaffiminni avatangiisiminnut mianerinnermut suliniuteqarnermik aallarniutaasarsimalluni, soorlu assersuutigalugu Deloittemi Europap kujataani Pisortaanerup angerlarami suliffeqarfiup qamutai morillit 4000-iusut orsussamik mingutsitsisumik ingerlatillit innaallagiartortunik taarsersorsimavai, taamaalillunilu qamutit motorillit ingerlaneri 16000 kilometerit ingerlannginneranni nunarsuarput 8000 T-imik CO₂-mik atuinikinnerulersippaa.



Atugassarititaasut aallaavigalugit sapinngisamik CO₂-mik atuinnginnissaq uummatitsinniippoq.

Taamaattumillu nukissiuterput dieselitortoq seqernup qinngorneranit katersivik atorlugu innaallagissiulernissaa anguniarlugu taarsiinissaq kissaatigaarput. Taamatullu seqerngup kiaa atorlugu kiammik katersinikkut gas atorlugu imermik kissaasarneq 90%-mik apartissinnaallutigu.

Ullumikkut avatangiisinut innarliinnginnerusunik atuereerpugut, perusuersartarfiit avammut eqqaasuunngitsut atorpavut, imaluunnit innaalligassatigut kiak pilersittarlugu.

Neriniartarfitsinni nerisassat sapinngisamik nunatta pissarititai atorlugit suliarineqartarput, taamaalilluta mingutsitsinikinneruliinnarata sumiiffinni isorliunerusunilu aningaasanik atuinitsigut aningaasanik kaaviaartitseqataalluta.

SUMIIFIIT ERIAGISASSAT:

Kiattuata qooruani qallunaatsiaqarfikoqarpoq, <http://nunniffiit.natmus.gl/> nalunaarsorneqarsimavoq normoqarluni NKAH 1470. Nunatta katersugaasiviata nittartakkakkut toqqorsiviani qallunaatsiaqarfikoq pillugu paasissutissaqanngilaq. Sagamaps malillugu "illu alla" tassani pineqarpoq, tassanilu taamaallaat allassimavoq naasorissaasuqarfikuunngitsoq. Qallunaatsiaqarfikoq taanna qatsissumiippoq, nunamullu taliffissaqqippoq, ikaartarfiligassaqqillunilu. Aalajangerparpullu killilimmik taanna najussallugu, atsissumilu taamaallaat Kalaallit Nunaanni Qallunaatsiaat inuusimanerat pillugu oqalugiarfigineqartassallutik.



CAMP KIATTUATA INUIAQATIGIINNI SUNNIUTIGISASSAA



Suleqatitsinnit, angalanermik
aaqqissuisartunit tusagassiortuniillu
utertitsivigineqarnerput
aallaavigalugu nunarsuatsinni
allaalluinnartumik
tunisassiaqarpugut. Camp Kiattua
nioqqutigineqartunut ikittuinnarnut
ilaavoq, akisuumik takornariarnermit
annertusiartortumut sammisuulluni,
massakkumullu nunatsinni
assingusumik
unammillerteqanngilavut.
Nunatsinni nalinginnaanngitsunik
allanik unnuisitsisoqartarpoq,
inunnulli ataasiakkaanut
qaffasissumik kiffartuussinerit
ingerlanneqassanatik.
Unammillertitullu taasinnaasavut
nunani allani nalinginnaanngitsuni
inissisimaffeqartuni inissisimapput.

Camp Kiattua ullumikkut
inuiaqatigiinnut pitsaasumik
sunniuteqareerpoq,
Nuummiinnaanngitsoq
Kapisilinniinnaanngitsoq, nunattali
sinneranut aamma. Siunissamut
kissaaterput tassaavoq suliffeqarfiup
annertusiartortuna ilutigalugu inuit
Kalaallit Nunaannit aallaaveqartut
akulerutitinnerussallugit.
Taamaliorsinnaassaguttali,
suliniummut uunga nunasuatsinni
nersualarneqarnerput
annertusassagutsigu
ikiorneqarnissarput
pisariaqartipparput – taamaalilluta
Kalaallit Nunaanni
kivitseqatigiinnitsigut killissavut
illuaallatsissinnaavagut.



NUNA TAMAKKERLUGU:

Tusagassiutinit sammineqarnek: Ukiuni sisamani kingullerni Arctic Namadip Kalaallit Nunaat Nuullu nunarsuarmioqatigiinnut peqataatilerpaa, nunarsuarmi tusagassiorfiit angisuut allaaserisaqartarnerat aqutigalugu. Oqaluttuarineqartut taakku allaalluinnartumik periuseqarnerput aallaavigalugu suliarineqarsimapput. Tupeqarfik kalaallit avatangiisianni inuilaami imaannaanngitsumilu inissisimasut, avatangiisinut ilorrisimaarnermik annertuumik qanilaarnermik ikinngutiginninnermillu imaqartoq pilersippaat.

Taaneqarsinnaasut arlaqarput, aajukuli allaaserisat immikkut iliuuseqarnissamik pisariaqartitsisimasut:

- Nunarsuatsinni Adventure Camp #1, allaaserinnittoq Tatler
- Nunarsuarmi tikeraarneqarsinnaasut 29-iusunit siulleq, allaaserinnittoq National Geographic
- Allaaserisaq ukiumi angalaarneq pillugu allaaserisisani ajugaasusoq, allaaserinnittoq Financial Times
- Avisimi quppernarnik arfineq pingasunik qalipaatisaartunik naqitikkat, allaaserinnittoq Le Figaro

Saqqummersitsinerit:

Kalaallit Nunaanni suliffeqarfinni suillersaalluni Arctic Nomad saqqummersitsivimmi tusaamasaasumit Pure Live Experience aggersarneqarsimavoq. Piffissami sivisuumi Visit Greenland saqqummersitsivimmut tassunga peqataaniarluni misiliisarsimagaluarpoq, iluatsinngitsumilli. Saqqummersitsineq aqutigalugu immikkuullarissumik angallassisartunut oqariartuuteqarsinnaavugut, tassani ilorrisimaarnissaq immikkuullarissunillu misigisaqarnissaq pingaartinneqarpoq.

Kalaallit Nunaanni tunisassiat:

Kalaallit suliffeqarfigaatigut, tamanna tanngassimaarutigaarput, tamannalu kiffartuussatta nalarisigissanngilaat! Taamaattumillu pingaaruteqartutut isigaarput tunisassiatta Kalaallit Nunaata avammut nittarsaassuatut taaneqarsinnaammat, taama oqaatigineqarsinnaavoq, tamanna ilaatigut pissuteqarpoq nerisassiaativut pingaarnerit tamarmik sumiiffimmit aallaaveqartut nerisassiaammata, taakku tassaallutik aalisakkat, qaleruallit, tutut, sava, umimmallu. Toqqaannartumik pisiniarnissarput pingaartipparput, ajornanngippat aalisartunit piniartuniillu piserusuttarluta. Pingaarnertut nerisassat sanisigut Kalaallit Nunaata Kujataanit igutsaat tungusunngitsua, angerlarsimaffimmi mamalaaliaq, tutumit pølsiliat il.il. nunatsinni tunisassiasut sassaalliutigisarpavut.

Nerisassat saniasigut nunatsinni tunisassiat sapinngisamik amerlanerpaat misigisassanut ilaatinniartarpavut. Assersuutigalugu qaqorsaati Ulu Caremit; puuguttat, puuguttat itisuut tiitorfiillu sumiiffimmi marriortup sanaavi, sumiiffimmi pisattat sanaat, toqqini savap amii Great Greenlandimeersut il.il. atortarlutigit.

Tammaviutsunik pisiniarfitsinni annikinnerusunik annertunerusunillu akisunerusunik sumiiffimmi eqqumiitsulianik atugassanillu pisisartunut akissaqarluartunut tuniniaanissarput kissaatigaarput. Taamaattumik kiffartuussavut aqutigalugit eqqumiitsulianik akisuuunik nalinginnaasumik tunineqarnissaannut ajornakusoortitsisartunut tunisaqartarsinnaavugut.



TuAngalaarnerit:

Takornarissat Kalaallit Nunaannut angalasartut avatangiiserput kulturerpullu pillugit tikeraartarput. Taamaattumillu angallassinissani neqeroorutigisatsinni sumiiffimmi innuuttaasunik akuutitsinissaq kissaatigaarput, taamaalilluta taamatut sunniinitsigut nioqqutivut annertusisinnaassagatsigit. Sumiiffimmi arnat peqatigiit suleqatigilluareerpavut, sumiiffimmi arnat angallassinitta ilaannut peqataalereerput.

Assersuutit tassaapput:

- Kapisillit eqqaanni pisunnerit – sumiiffimmi innuttaasut nunaqarfimmi inuuneq oqaluttuarisarpaat
- Sumiiffimmi najugallit aalisariaqatiginerat
- Kiffartuussatta pisaannik aalisakkanik pujoorineq. (Taakku millugutsillugit poortorneqassapput, taamaalillutik eqqaamassutissatut angerlamut nassarsinnaassallugit.)
- Sumiiffimmi najugalinnut pulaartitsineq, avinngarusimasuni najugaqarneq pillugu oqaloqatigineqartarlutik.
- Atuarfimmut pulaarneq, atuartut atuartitaanertik pillugu oqaluttuarterput, nittartakkakkut atuartitaaneq ukkatarinerusarlugu.

Kiffartuussinerit:

- Camp Kiattuani errortassat tamarmik arnanit Kapisilinni najugalinnit errorneqartarput, taakkulu illumi kiffartuuffivimmi errorneqartarlutik.

Nioqqutissanik pisiniarnerit:

- Savat naatsiiallu Neriunamit pisiarineqartarput
- Aalisakkat tuttullu sapinngisamik sumiiffimmit Kapisilinni ajugalinnit pisiarineqartarput
- Orsussat Pilersuisumi akuttunngitsumik pisiarineqartarput
- Ulluinnarni nioqqutissat pisariaqartinneqartut Sumiiffimmi Pilersuisumi pisiarineqartarput
- Petroliu Pilersuisumit pisiarineqartarpoq

NUNAP ILAA:



Sulisut:

Kiffartuussinitta qaffasissusaa nunatsinni takornariaqarnikkut kiffartuussisunit allaaneruvoq. Tamanna qaffasissuseq attatiinnarumallugu piffissat ilaanni kiffartuussamut ataatsimut immikkut sulisoqartitsisinnaasarpugut. Kalaallinit kingoqqisuunerput sakkortoq immikkuullarissumik niuernitsinnut tunngaviuvoq, taamaattumillu tikeraartitsisutta Kalaallit Nunaanni inunngorsimallutillu peroriartorsimanissaat pingaarteqaarput. Kalaallit Nunaanni inuuneq, kulturerpullu oqaluttuarisinnaassavaat, tamanna pingaarneruvoq naasut latinerisut atiisa ukiullu tamaasa eqqaamanissaannit pingaarnerujussuuvoq.

Isumassarsiorfik:

Oqariartaaseq "We push the boundaries" atorlugu sulivugut.

Ineriartornermut siuttuunissarput, allanillu isumassarsisitsinissarput anguniagaraarput. Tamanna takuneqarsinnaalereerput, tunisassioortut allat umiatsianik RIB-inik angallassisarlutik aallarereerput, Nuup Kangerluani allanilu akisuumik asimi unnuisarfinnik illuaraqarfinnillu aallartitsipput.

Kissaatigaarput ulluinnarni misigisartakkavut nalinginnaasut takornarissanut takusassiarisinnaanissaat, pingaartumik Kapisilimmiunut takutissallugit. Uani kiffartuussinissamik tunisassioortoq pilersitsinermut atatillugu naatsorsuutigisat pillugit takutinnaat pingaaruteqarpoq.

Kangerlummi takornariaqarnerup siammartinnissaa:

Takornarissanik sammisaqartitsineit arlariit Nuup eqqaani katersuussimapput; Nuup Kangerluata qinngorpassissuani inissisimanitsigut takornariartitsineq siammartipparput, sumiiffimmut tikikulaneqanngitsumut. Uummannap Qeqetaani Noorliit oqaluffiat tikikulavarput illutoqarlu nakkutigalugu. Kiffartuussavut Quuqqut Nuanimut ingerlattuartarpavut, aamma nalinginnaasumik ammaffiup avataani.

Sumiiffimmi niuerneg:

Sumiiffimmi sapinngisamik niuerniartarpugut. Tassani sanaartornermut atortussat, pequtit, tupernut atortussat, orsussat, vinit nerisassat il.il.



SUMIIFFIK (KAPISILLIT):

Nioqqutissamik ineriartortitsineq


Nioqqutigisatsinnut inuit Kapisilinneersut atorfinitsinnagit suleqatigalugitineriartortinnissaat kissaatigineruarput, taamaalillutik namminneq ineriartortitsillutik akisussaaffimmik tiguisinnaaniassammata.

Niuerutivut pillugit sumiiffimmi niuertut ineriartortitsinermi, tassani poortuutissani ilusilersuineq, nioqqutissiornermut atatillugu maskinanik pisinermut il.il. tunngatullugu suleqatiginissaat kissaatigaarput. Uagutsinnut pingaaruteqarpoq nioqqutissat tamakku aamma allanut niuerutigineqarsinnaassasut, taamaalilluni siunissami aningaasaqarnermut iluaqutaanissaa pingaartippaarput, taamaalilluni nioqqutissanik tunisaqartuaannarnissaat ukkataraarput.



Assersuut:

- Angerlarsimaffimmi mamalaaliornissami igasorput suliaqartinnagut Kapisilinni sumiiffimmi suliaqarsinnaasumik piserusunneruvugut. Nioqqutissaq poortorneqassaaq, taamaalilluni eqqaamassutissatut nerineqarsinnaalluni pisiarineqarnissaaniassammat.
- Igasutta pupinnik, tupaarnanik allanillu nerisassiornermi mamarsaasiarineqarsinnaasunik panertitsinissaraluanut taarsiullugu sumiiffimmi tamakkuninnga isumaginnitsitsisinnaaneqqeqarsaatigaarput.
- Campimi tii neqeroorutigineqartartoq, ilaatigut Kalaallit Nunaanni naasunit panertitaneersoq, neqeroorutigineqartussaq sumiiffimmi tamakkunannga isumaginnissinnaasumit ingerlanneqarnissaa kissaatigaarput.
- Imeruersaatit kigutaarnanik paarnanillu issillit Kapisilinni suliarineqarsinnaapput. Tassanissaaq issingersissutinik maskiinanik, ilusilersuinermi poortuutissanillu pisinissamut ikiuukkusuppugut.

TAPILIUSSAQ (APPENDIX):



CAMP KIATTUA




CAMP KIATTUA



- A: PONTONBRO
- B: HOVEDHUS - 120 M² (6X20 M)
- C: WELLNESS OG SAUNA - 1 STK. MASSAGETELT
- D: BEBOELSESTELTE - 4 STK. FAMILIETELTE 35 M² OG 8 STK. 2-PERS./TELT 25 M²
- E: PERSONALETELTE - 8 STK. 2-PERS./TIPPI TELT
- F: SOLENERGI OG GENERATOR (BACK-UP)
- G: FORTIDSMINDE

OMRÅDE 100.000 M²



Restaurant Plan


Rooms

- A- ENTRANCE
- B- RESTAURANT
- C- LOUNGE
- D- KITCHEN
- E- FOOD STORAGE
- F- TOILET

Details

- 1- TABLE
- 2- STOVE
- 3- REFRIGERATOR
- 4- SINK
- 5- SHELVES
- 6- DISHWASHER
- 7- FIRE PLACE

Sheet 1/2
sc:1/100



Bedroom Plan


Rooms

A- ENTRANCE
B- BEDROOM
C- BATHROOM
D- SITTING AREA
E- SPA

Details

1- CLOSET
2- TABLE & MIRROR

Sheet 2/2
sc:1/100



ARCTIC NOMAD